

- Sier Sebastian Justinian el cavalier, è  
ambassador al Christianissimo re  
di Franza. . . . . 99. 93  
† Sier Francesco Bragadin fo savio del  
Conseio, qu. sier Alvise procurator 105. 83

El qual sier Francesco *etiam* introe *immediate*.

Et tutti li Savii si levono et andorono a consul-  
tar, et in questo mezo fo lecto una *lettera di sier*  
*Thomà Moro proveditor zeneral, da Cassan,*  
*di 30.* La copia è qui avanti.

*Scurtinio di 8 Savii a tansar, et il primo di*  
*ballote sia del numero di 20, et li altri 7*  
*del numero di 15, ut in parte, con pena.*

- † Sier Polo Valaresso fo podestà a Ber-  
gamo, qu. sier Gabriel . . . . . 106. 44  
† Sier Zuan di Prioli fo Cao del Conseio  
di X, qu. sier Piero procurator . . . 105. 26  
† Sier Alvise Malipiero fo Cao del Conseio  
di X, qu. sier Stefano procurator . . 111. 42  
Sier Zuan Alvise Duodo fo Cao del  
Conseio di X, qu. sier Piero . . . 68. 80  
† Sier Hironimo da chà da Pexaro fo al  
luogo di Procurator, qu. sier Ni-  
colò . . . . . 89. 62  
Sier Piero Marzello fo censor, qu. sier  
Jacomo . . . . . 67. 78  
† Sier Bertuzzi Zivran è di Pregadi, qu.  
sier Piero. . . . . 95. 57  
115\* † Sier Zuan Francesco Morexini fo Con-  
sier, qu. sier Piero. . . . . 113. 33  
† Sier Jacomo Badoer fo Consier, qu.  
sier Sebastian el cavalier . . . . . 81. 62  
† Sier Bernàrdo Marzello fo Cao del Con-  
seio di X, qu. sier Andrea . . . . . 103. 43  
Sier Daniel Trivixan è di Pregadi, qu.  
sier Andrea . . . . . 76. 70

Fo stridà far doman Gran Conseio, et far uno  
Procurator iusta la parte presa, et poi ditto, si farà  
doman Pregadi.

*Da Cassan, di sier Thomà Moro provedi-*  
*tor zeneral, di 30.* Il sumario scriverò di sotto,  
benchè non sia di molta importantia.

*Da Civald di Bellun, di sier Polo More-*  
*xini podestà et capitano, di 30.* Come, hessendo  
tornati da le bande di qua molti quali erano reduti  
in Alemagna per fuzir la earestia, cazadi per le cri-  
de fate, come scrisse, riportano alcuni di loro che

*I Diarii di M. SANUTO. — Tom. XLVII.*

hanno qualche inzegno et sono stati a Presenon, et  
alcuni a Trento et Bolzano, che in effecto non si  
manca di preparamenti et *maxime* verso Trento,  
et a condurli biave et maxenar *etiam* legnami et  
tole per far barche et ponti; et dicono haver inteso  
che hanno fatto dimandar il passo a sguizari per  
andar a Milano.

*A di 2.* La matina, a San Marco, fu fatto pro-  
cession per le gran pioze, et portato atorno la  
Madona fece San Luca, et questo si farà tre matine  
di ordine del reverendissimo Patriarea; et questa  
notte fin la mattina piovete assai, et forte. 116

Fo frustato do villani per li Provedadori sopra  
la Sanità perchè andavano zercando per San Marco  
contra le cride.

È da saper. In 4 luogi son hospedali: a San Za-  
ne Polo, a San Zuane Bragola et a Santo Antonio,  
et a la Zueca in chà Donado, ne li qual sono da  
numero . . . di villa poveri, di quali ne moreno  
assai al zorno. È sopra l' hospedal di San Zane Polo  
sier Hironimo di Cavalli qu. sier Corado, et sier  
Hironimo Miani qu. sier Anzolo; et su quel de la  
Zueca sier Piero Capello qu. sier Francesco el cava-  
lier; et altri su altri. *Tamen* molti villani et done  
et femene non voleno andar, et vanno per la terra  
zercando elemosina.

*Da Verona, di sier Carlo Contarini prove-*  
*ditor zeneral, fo lettere, di ultimo Marzo.* Co-  
me havia fatto principiar a taiar li passi; ma biso-  
gna zente che li varda. *Item*, manda un reporto di  
una spia venuta di Trento, qual sarà scritto qui  
avanti.

*Di sier Alvise Pixani procurator, provedi-*  
*tor zeneral, da sera, di 23.* Come era zonto li, et  
havia hauto lettere da domino Joachin francese,  
qual è in San Severo, che lo avisa in ditta città es-  
ser gran morbo, et lo avisa di successi di exerciti  
siccome si have per lettere del Pexaro di 21, et  
manda la copia di la lettera. Scrive come lui si par-  
tirà per andar verso Lutrech.

*Da Crema, di sier Luca Loredan podestà*  
*et capitano, di ultimo.* Come da uno mio explo-  
rator venuto da le parte di Zenoa in questa hora  
ho, come l'armata de Andrea Doria, havendo per  
spia che l' vicerè di Spagna venia a la volta di Na-  
poli con l' armata suso, la qual era da 3000 fanti,  
ditto Andrea Doria havea rotta et presa, ne la qual  
havea fatto *etiam* pregione il Vicerè con molti  
altri. Et più per via de Milano ho per un'altra spia,  
come spagnoli erano per gittar uno ponte a Trezo  
et passar di qui per scorere et sachizare suso el